

黑龍江外記

二



黑龍江外記

二

西清記

中華書局

叢書集成初編

黑龍江外記 二冊

中華書局出版發行

(北京王府井大街三十六號)

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

黑龍江外記跋

右黑龍江外記八卷。鄂文端之曾孫西清所撰。向無刊本。此冊黃方伯彭年借得何比部秋濤抄本錄副。重勦權巡復向黃方伯借鈔。今以屬穆校刊之。重勦言。既稱外記。必有黑龍江志。此特拾其餘瀋耳。然多方覲正志不可得。且如墨爾根。布特哈。以西。外興安嶺山路。可通奇乾河。墨河金廠。較之取道愛琿新城。迺江西上之。水程爲徑捷。再迤西踰額爾古納河。接粗魯海圖之地。直接外蒙古喀爾喀車臣汗之東界。亦產金沙。此一帶山脈。國語謂之金阿林。又江左岸之愛琿河。精奇里河。雅克薩城。地勢遼闊。五體界碑。亦在境內。是記中皆不能詳。蓋西清亦非能身到目驗其地也。惟列城台站天時物產。亦可藉此記考見大略耳。重勦之言如此。又書眉有隨手批識語。今皆散隸文句之下。爲夾行小注。刊成略記數語。以志緣起。又道光中。薩英額所撰吉林外記十卷。向亦未有刊本。重勦仍屬校刊。尙未竣工。光緒甲午十有一月。長至日。桐城蕭穆。時病新起。書于海上廣方言館。

此書得於京肆。有葉氏印。是漢陽葉東卿先生平安館物也。內有秋濤注字。是閩人何願船員外所書。何由甲科改部曹。博通經史。藏書最多。咸豐閒。余猶及見之。未幾。與葉崑臣名琛、潤臣名澐、昆季前後俱歸道山。兩家藏書俱售散。此書鈔本。坊閒所無。尤宜珍秘。同治九年伏日。樊彬識。

葉崑臣。兩廣總督。死於暎國。後得歸葬漢陽。潤臣。內閣侍讀。捐道分發浙江。病故。有敦夙好齋詩行世。宅在虎坊橋路南。徐大司寇舊寓。有子午井。

